



Universitätsbibliothek Paderborn

**Consultationes Theologicæ Et Spirituales Christiani verè
fidelis & verè devoti ...**

... De Excellentiis Jesu Christi Dei-Hominis

Louis François <d'Argentan>

Augustæ Vindel. ; Dilingæ, 1723

VD18 80217931

Art. III. Purissima doctrina Jesu Christi compendiosè tradita in sermone
supra montem facto.

urn:nbn:de:hbz:466:1-45509

possit, ut attollat se vel minimum supra statum suum naturalem, magis retardabitur ab eo, quam promoventur. Si bene humiliare se noverit in abysso sui nihili; scriptum est: *Qui se humiliat, exaltabitur.* Sed fortassis unum non minus impossibile est altero, nisi ipsemet Deus id faciat ex infinita miseratione sua.

Discursus hic pii nostri Ecclesiastici erat aliquantisper ni-

Luc. 14.

miūm spiritualis pro captu Onesimi, qui nulla præbebat singularis ex eo haultæ voluptatis indicia (siquidem sensibus plus æquo immersi tam parùm capiunt ex rebus spiritus ut has velut Chimeras aspiciant) maximum autem ostendebat desiderium audiendi unam e concessionibus Iesu Christi. Mox tuis annuam votis, respondit Ecclesiasticus. Audi & attende solerter.

ARGUMENTUM.

Purissima doctrina Iesu Christi compendiosè tradita in sermone supra montem facta.

ARTICULUS. III.

Differentia inter conciones Iesu Christi, & illas Scribarum & Pharisæorum.

HAud levis erat differentia inter prædiciones Iesu Christi & illas Scribarum, Pharisæorum & Legis Doctorum. Nam 1. Iesus Christus prædicabat cum potestate supremâ veluti verus Deus & omnipotens Legislator; alii non loquebantur nisi velut simplices legis expoñentes, qui saepius non explanabant nisi solas, quas in sacrificiis observari oportebat, cæremonias. 2. Loquebatur is cum magno spiritu fervore; & multo melius adhuc suis instruebat exemplis, quam verbis: illi loquebantur aride, jejunè & oscitanter & adhac tantummodo verbis, absque exemplis. 3. Circumfere-

bat ille miram eloquentię suavitatem in labiis suis, tantaque demulcebat aures voluptate, ut omnes catervatim inquirerent ipsum in desertis, & saepius tres integros dies consisterent ibi, obliti curas corporis & cuncta terræ negotia, rapti extra semetipos audiendo discurrentem illum de rebus cœli, omnesque confiterentur, nunquam audivisse se sic hominem loqui; sed quod præcipuum erat, confirmabat omnia hæc, quæ dicebat, miraculis omnino manifestis, iisdemque plurimis: Scribæ & Pharisæi his omnibus destituebantur, nec quidquam illorum possebant, 4. Denique Iesus Chri-

Christus docendo exterius, pollebat virtute illuminandi interius animas & omnia penetrandi corda, eoque loqueretur & abundantia cordis sui & ardentissimo erga salutem animarum zelo: alii, qui nonnisi externa deelamabant voce, poterant ferire aures, sed carebant facultate tangendi & commovendi corda.

Doctrina Iesu. Verum quidem est, quod omnia, quae habemus de JESU Christo, oppugnat isto in Evangelio, apparent spiritum se admiranda; videtur tamen confidere nobis voluisse, Epitomen omnium eorum, quae pulcherrima, utilissima & maximè necessaria sunt doctrinæ suæ, in admirando illo supra montem habitu sermone, ubi paucis verbis prosternit & evertit omnem spiritum sæculi, quem ex integro oppositum demonstrat spiritui Dei.

Quisnam sit hic mons, in quo prædictavit Christus pulchrum hunc sermonem?

Mons hic, quo utebatur velut pulpito, quemque condescendit ad faciendum ibi insignem hunc sermonem, quique jam designabat doctrinæ, quam hominibus explanare volebat, sublimitatem, non est mons Olivarum, sicut aliqui existimabant, nec mons Thabor, juxta opinionem sancti Hieronymi. Sed ii, qui accurate descriperunt terram sanctam à seipsis prius perlustratam, uti Breidenbachius, Adrichomius & alii, afferunt, hunc esse montem specialem, qui ho-

diedum adhuc retineat nomen montis JESU Christi, eoque sepius secesserit in ipsum ad faciendum ibi orationem suam, & capiendum post labores suos modicum quietis. Dicunt montem hunc esse altitudinis mediocris, sed pulchritudinis omnino singularis, totum amenissimo copertum virore, herbarum, florum, arbustorum; insuper ipsius aërem, qui maximæ est temperie, constituer ex ipso mansionem omnino idoneam recollectioni & contemplationis: distat is nonnisi stadio à civitate Capharnaum, versus partem Occidentalem & admodum vicinus mari Galilææ. JESUS Christus sepius ex hoc monte suum sibi struebat oratorium, ibique plures exigebat noctes integras in oratione, sicut etiam faciebat dispositurus se ad enuntiandum ibi magnum hunc, insignem hunc & efficacem sermonem cuius me tibi contexere desideras narrationem.

Erat ipsi animus faciendi quasi **Sermo de o-**
synopsis omnium suorum alio- **et beatitudi-**
rum sermonum, & oppugnan- **nibus com-**
di ex instituto omnes & maxi- **plectitur om-**
mos quosque abusus & errores nam morale
sæculi, declarando infelicitatem Christianorum
eorum, qui sectantur tyrannicas
mundi, humanarumque passionis
leges, & econtra summam
eorum beatitudinem, qui suam
amplecti volent doctrinam illis.
omni-

omnino oppositam, quæ complectitur præcipuas octo veritates, nuncuparas à nobis Beatitudines octo Evangelicas. Et ecce hæ ostendunt nobis, omnia, in quibus mundus suam constituit felicitatem, veras esse miseras; & econtra illa omnia, in quibus nonnisi miseras sibi imaginatur, veram consistere beatitudinem animarum Deo fidelium.

Luc. 6. v. 24.

In primis mundus credit, palamque ac disserre evulgat, divites esse Beatos in terris, eoque videbatur ipsis omnia evenire & fluere ad vota. Deciperis, deceptor & fallax mundo, ausculta veritatem æternam dicentem tibi: Væ vobis divites, qui habetis hic consolationem veltram, eoque impossibile quasi sit, introire vos unquam in regnum cœlorum. Et ex adverso dicit: Beati pauperes spiritu, id est, qui habent spiritum & cor abstractum ab omnibus mundi rebus, ipsorum est enim regnum cœlorum. Non inquit, beatos illos esse in spe, eoque aliquando possessuri sint Paradisum, sed dicit, quod jam ipsius tenet possessionem, quæ jam reddantur beati: siquidem an non verus sit Paradisus, quando degustat anima jucundam & pretiosam possessionem Dei, quem nemo tollere potest ipsis, & a quo impletur consolationibus, quæ infinita ratione transcendunt il-

Beati paupe-
res, infelices
divites,

Matth. 5.

las omnes, quas universus mundus parare & parere illi potest.

Secundo mundus credit, hominem esse infelicem, si ulcisci non possit injuriam sibi illatam, nec duplo aut quadruplo reddere malum sibi factum. Et aucepuntur non videt, exitium se esse sibi vindictam ipsi, eoque levii, quam accepit, injuriā, quam patienter perpessā poterat sibi parare coronam immortalē, malum sibi adsciscit æternū inseparabiliter conexum cum eā, quam meditatur, vindictā. Et JESUS Christus volens detegere fraudem, dicit ipsis: Beati mites, id est, qui patienter & cum mansuetudine tolerant injurias, quoniam ipsi possidebunt terram, id est, mititate suā comparabunt sibi dominium mundi & regnabunt in omnium cordibus. Sic exponit S. Chrysostomus, qui audacter dicit, hom. 58. iii. nihil esse, quod majorem habeat vim, majus robur, majusq; imperium mansuetudine, tamque citò non extingui magnum ignem copiosā abundantia aquarum, quam extinguatur summe accentia hominum iracundiā verbis blandis ac amicē prolatis.

Tertiō mundus nonnisi risum aucepatur & gaudium, illōsque beatorum accenset numero, qui suam jucundē exigunt vitam in relaxationibus non intermissis & voluptatibus continuis: O monde obsecrate, quantum deciperis!



Luc. 6.

ciperis! JESUS CHRISTUS, qui ipsa
est veritas, tibi dicit: *Vae vobis,*
qui ridetis nunc, quia lugebitis & flebitis; non ridendo agitur pœnitentia. Jam ignes æternos non-nisi per pœnitentiam evitare potestis: Lugendi igitur per totam æternitatem habebitis otium in rogis inferni. Et inquit ex opposito: *Beati, qui lugent, id est, qui effundunt clam e corde suo lacrymas doloris continuo de peccatis suis, renuntiantes per hoc omnibus vanis mundi gaudiis ac voluptatibus.* O beatos, & millies beatos illos, quoniam consolabuntur in æternum.

Optime noverat quartum

Beati qui esu mundi errorem quaerentis felicitatem & sitiuntatem suam in voluptatibus sensu justitiam inservient, qui alium non adoratis Deum, nisi ventrem vestrum, cui sacrificatis omnia, propterea fame peribitis æternam, & econtra declarat illis, beatos esse illos, qui esuriunt & sitiunt, qui famam tolerant & sitim, sed famem sacram justitiae & sanctitatis, quoniam saturabuntur: non, quod unquam habituri sint saturitatem tam plenam in hac vita, ut non semper experiantur famem & sitim majoris justitiae; sed quod in hoc præ-

cipue suam inveniant beatitudinem, uti dicit S. Bernardus. *S. Bernard.* Anima justa nunquam dicit: Epist. 253. Satis est; semper stimulatam se sentit fame & siti justitiae majoris, ita ut, si semper viveret in terris, semper contenderet fieri melior, & suspiraret cum Vate regio: Non dicam unquam Domine satiatam esse me; sed *satiabor, cum apparuerit gloria tua.* O beatam animam famelicam, quæ tam amabili cruciatur torturâ.

Quinto oppugnat immisericordem duritiam eorum, qui Beati misericordes, miseri suis invigilantes commodis, non compatiuntur miseriis aliorum; qui tam procul absunt ab eo, ut has in se suscipiant, consolando gementes sub illis, ut potius sibi gloriæ ducant his neutriquam moveri, & in hoc aliiquid constituant suæ genus felicitatis. Vos igitur existimatis vos esse beatos, quando cor æneum in vestro circumfertis pectori. Et ego dicit JESUS CHRISTUS, beatos deprædico illos, qui misericordes sunt, quoniam misericordiam consequentur; beatos declaro illos, qui affectu tanguntur compassionis & misericordiae, quoniam experientur benignam misericordiam Patris sui cœlestis. Cor immitis, quod omni caret humanitate, nec ullâ aliorum malis movetur commiseratione, æternæ cum-

Q99

cum-

cum fert signum reprobationis: cor autem misericors, quod suum diligit fratrem, quod illi compatitur, quod affert illi, quantum potest, solati, cor est cuiusdam prædestinati.

**Beati mundo
corde; misere-
ri, qui curam
gerunt cor-
poris.**

Sexto, videns, quod mundus, qui totus animalis est, suam collosciem felicitatem in curando ac fo- vendo solicite suo corpore, modò id sanum sit ac incolume, modò suis fruatur desideriis, modò suis vivat Commodis, si- bique satisfactum jam credit, flocci æstimans suæ puritatem animæ, hanc illi præ omnibus commendat. Munde insensate, an ignoras te spiritum immor- talem incolumem circumferre in ergastulo hoc luteo? Tu beatum te credis, si ergastulum hoc comodo fruatur statu; sed est potius infelicitas tua: hac enim ratione, nunquam æternæ frui poteris lucis usurâ. Et ego dico tibi, veram confidere felicitatem in cura animæ tuæ: **Beati mundo corde, quoniam ipsi Deum videbunt præsentem in omnem æternitatem.**

**Beati pacifici,
miseri disfor-
diarum ama-
tores.**

Septimo miserans stupendam mundi cœcitatatem, qui non nisi vivere vult & potest in tumultu, semper in armis, in discep- tationibus, in controversiis, in querimoniis, velut corpus phæ- neticum, cuius unum membrum armatur contra alterum, ad il- lud dilacerandum ex summa fa- tuitate in hoc se suam invenire

putans felicitatem; alias enim non faceret, cum infelicitatem suam querat nemo. Ipsæ rese- rat illis oculos, ipsosque docet, ubi facile inveniant, si velint, veram & solidam felicitatem; nempe in mansuetudine & in amore pacis: quod, si ament discordias, pugnas, inimicitias, infernalium evadent filii furia- rum: Verum si amaverint unio- nem, pacem & tranquillitatem, appellandi sint Filii Dei, & po- tituri in omnem æternitatem hæ- reditate Patris sui. Beati pacifici, quoniam Filii Dei vocabuntur.

Tandem concludit totum suum sermonem, Beatos pro- nuntiando illos, qui patiuntur persecutions; quod paradoxum est subvertens & confundens o- mnem falsam mundi sapien- tiam: siquidem hæc ceu indu- Beati, qui pe- bitatum tenet effatum, infelices tiuntur, infe- esse illos, quos premit persecutio, lices, qui non aggravat adveritas, caleat affli- ctio. Verum ô sapientia infini- ta! quantò veritates à te edoctæ, quamvis omnes nostros offendant sensus, magis sunt certæ, magis solidæ, magis consolato- riae, quam omnes vanæ mundi fallaciae, quibus non nisi fucus est & dolosa species; O munde omnis expers scientiaz! Nisi cre- das Iesu Christo tibi dicenti: Beati, qui persecutionem patiun- tur propter justitiam, in hac vita, magisque beati qui patiuntur ma-

magis; in testimonium advoco, quidquid volueris (exceptâ Babylonie tuâ, quæ composita non erit, nisi ex insipientibus) consule desuper omnia: Interroga cœlum, interroga bonos omnes; qui sunt in terris, interroga infernum, si velis, ipsum; an verum sit, beatos illos esse, qui persecutionem patiuntur, qui obruuntur adversitatibus, qui onerantur crucibus, quas cum submissione in voluntatem Dei portant & tolerant in hac vita.

Totum cœlum respondebit tibi: Scriptum est, & veritas est fidei: *Per multas tribulationes operaret nos intrare in regnum Dei. Qui partem non habuerit ex cruce Redemptoris, partem non habebit ex Redemptoris gratiâ;* & tandem omnes mundi consolationes simul non tantâ nos locuplerarent felicitate, quam invenimus in tribulationum & adversitatum minima. Omnes boni, quos universus complectitur orbis, tibi dicent, se expertos esse, neminem sequi posse JEsum Christum, nec ambulare post ipsum in via cœli, nisi oneratus sit cruce ipsius; insuper gratiam, virtutem, innocentiam, in quibus consistit tota felicitas & tota tranquillitas animarum, ita inseparabiles esse ab afflictionibus, ut videantur ab instanti, quo non patiuntur amplius, illa omnia in ipsis diminui;

Act. 14. v. 21. fidei: *Per multas tribulationes operaret nos intrare in regnum Dei. Qui partem non habuerit ex cruce Redemptoris, partem non habebit ex Redemptoris gratiâ;*

Cœlum, terra & infernum testatur, beatos esse, qui patiuntur.

perdi successivè Spiritum JEsu Christi & resuini illum mundi, ita ut videatur illos quasi amplius non esse Christianos: siveque beatos esse illos, qui patiuntur aliquid pro Deo, magisque beatos, qui patiuntur plura. Et totus ipse infernus horribili ad te clamabit voce: Maledictæ mundi voluptates, quæ induxistis nos, ut fugeremus crucem, quam magni modò constatis nobis! O quam eramus miseri, dum felices nos credebamus, ab omni miseriâ, ab omni cruce liberi! Ubi modò estis fortunatae afflictiones mundi perpesæ & toleratae pro Deo? Summè fueratis deprædicatae nobis, sed ludibrio habebamus vos, quia vos non noveramus. Non lugemus vos, voluptates præterita: Eheu! utinam fuissetis nunquam: sed deploramus te crux amabilis: Ah deploramus te! ita, deplorabimus te in æternum.

Ecce tibi, quâ ratione doctrina JEsu Christi è diametro sit opposita cunctis mundi affectibus ac desideriis. Mundus beatos dicit divites; JEsus Christus beatos dicit pauperes; Mundus beatos nuncupat eos, qui aucupantur vindictam; JEsus Christus beatos nuncupat illos, qui cum mansuetudine supportant injurias: Mundus beatis accenset eos, qui rident, gaudent & jucundantur;

Qqq 2

Opposito in
cer doctrinana
JEsu Christi,
& illam mun-

dantur; JESus Christus beatis accenset illos, qui lugent, plorant & contristantur. Mundus beatos estimat eos, qui laute vivunt ac opipare; JESus Christus beatos estimat illos, qui fame & siti tenentur justitiae: Mundus beatos affirmat eos, qui nullam commiserando admittunt societatem miseriarum alienarum. Et JESus Christus beatos affirmat illos, qui misericordiam aliorum exhibent miseriis, quoniam & ipso misericordiam consequentur: Mundus beatos depraedat eos, qui sanitatem & incolumentatem obtinent corporum; & JESus Christus beatos depraedat illos, qui innocentem conservant animam, suumque cor mundum à peccato: Mundus beatos appellat eos, qui præservido & generoso sunt animo, qui omnia susque dequé vertant, oppugnant alios, seque defendant; & JESus Christus beatos appellat illos, qui amantes sunt pacis, hanc inquirunt, in se & aliis conservant: Mundus denique beatos asseverat eos, qui non intermissâ fruuntur prosperitate, nec quidquam habent, quod patientur; JESus Christus beatos asseverat illos, quos persecutiones obruunt, quos crucis onerant & affligunt.

Onesimus exspectare vix potuit, quoad suum absolverat Ecclesiasticus sermonem, quin

subasperè alloqueretur illum: An ratione hâc declamas & debucinas Verbum Dei? An concionem hanc esse dicas factam à JESu Christo? Attulisti in medium verba plurima, quæ nunquam ex ipso sunt ore profecta; cítasti sanctos Ecclesiaz Patres; an JESus Christus in sermone suo citavit illos? Et deinde dicebas, ipius inesse labii eloquentiam omnino divinam, verbaque ipsius mirificâ pollere virtute commovendi corda; nihil ejusmodi in me expertus sum, mēa spe, quam alueram animo, deceptus.

Credo id equidem, respondet Quid sit pra-dicare purum Verbum Dñi. Ecclesiasticus; siquidem non repetii tibi de verbo ad verbum sermonem JESu Christi; non ad longum Evangelistæ exarârunt illum; sed annotârunt sollempniter præcipua, quæ tractabant, capita: Et quando dicitur, veros Concionatores adniti debere, ut purè annuntiant verbum Dei, non est intelligendum, ipsos eadem in medium proferre debere verba ab ipso dicta; sed quod loqui nil debeant, quod adversetur intento ab ipso sensui, & benè cognoscere studeant veram sancti Evangelii intelligentiam, ut emendatè illud exponant, & quantum poterunt, animis imprimant mortalium.

Hinc est, quod citiārim Patres Ecclesiaz, cōquod exiis melius intel-

intelligere & cognoscere possumus sensum Evangelii; & ut verum fatetur, nobis aliud hāc in parte non superest remedium, nisi ut recurramus ad ipsum JEsū Christū, ipsum consulendo in oratione, ipsum obsecrando profundā cum humilitate & ingenti Spiritū fervore, ut ostendat se nobis, quatenus & nos ostendere possimus ipsum aliis, utque effundat divinæ suæ gratiæ unctiōnem in corda nostra, & super labia nostra, quatenus verba ipsius ē corde nostro profecta, virtutem acquirant commovendi animas, illāsque Deo lucrandi. Procul dubio Prædicatores, qui ratione hāc cognoscere studeant JEsū Christū

& nonnisi loquerentur ex abundantia ipsius Spiritū magnum facerent profectum, mirabilēque colligerent fructū. Sed quām pauci sunt horum! quām pauci sunt horum! quia paucos reperire est Prædicatores, qui viri existant magnæ orationis.

Novi saltem, replicat Onesimus, numerari inter eos, qui non ita pure querant commodum JEsū Christi, quin admisceant illi quoque suum; novi id, & ipsem vidi. Narrare me tibi oportet ad hoc propositum, quid contigerit auditu forsitan inutile, nec in-

jucundum.

ARGUMENTUM.

Quid acciderit cū tribus Prædicatoribus.

ARTICULUS IV.

NOveris tres Prædicatores, qui non ita differebant in dolo ac genio, sicut differre videbantur amictu & habitu, viros haud mediocri insignes humanitate (familiariter enim utebantur mundo, ex cuius consuetudine, ut ratio postulat, studebant se excolere) post absolutos quadraginta annos suos sermones convenisse, vel casu fortuito, vel ex instituto in hospitio satis bono, quod erat secus viam, quā iter faciebam. In-

travi paulò post ipsos, & quia non erant Misantri, fugientes conversationem hominum, amicè admodum me exceperunt, ad innuendum mihi, meam sibi haud displace societatem, nec ullo se afficiendos à me fastidio. Intelligebam bene, ipsos jam diuturnā conjunctō fuisse familiaritate, dum perspexi, quantā enarrarent sibi invicem confidentiā eas, quæ ipsi obtigerant, sortes.

Qqqq 3

Gau-